

新刻羣音類選

新刻羣音類選清腔卷七

虎林 胡氏 文會堂 校選

小令

仙呂

桂枝香四首附玉芙蓉一首

關情

冤家要去、畱他不住、在跟前巧語花言、一味裡推三阻四、平白地要離、平白地要離、不知他是何主意、想他別尋佳配、負心的、你往天邊去、妾身也插翅飛、非才非勢、真心真意、俏冤家別戀嫖娼、倒說我不仁不義、一時間要離、一時間要離、畱他不住、盼他無計、

負心的、總然是妾情兒淺、當念一夜同衾、百夜思、
沒情沒緒、翻來覆去、不知他因甚丟開、莫非我有些
不是、這話兒怎題、這話兒怎題、傷情傷意、把我一時
拋棄、狠心的、總然是妾有些兒過難、道當初沒好時、
櫻桃口、哺丁香、舌吐記、當初密語調情、今日裡將奴
辜負、不知他為何、不知他為何、莫非被人嫉妒、見他
無路、事模糊、本待要丟開罷、思量他身又孤、
相思恨、會遲、又早分離去、似鴛鴦雙雙交頸蓮池、誰
知又遇強風起、一個東來一個西、無人處、淚珠暗垂、
只想他溫柔軟款俊龐兒、

前腔八首

世英

胡全菴

炎涼世態不先門外、妻子因貴樂勤勞、弟兄為貧疎
友愛、看將來可哀、看將來可哀、古方何在、大綱日敗、
欲安排、把覆雨翻雲手、做光風霽月懷、

衣衫可敬、家聲不問、雪中送炭誰甘、錦上添花獨盛、
想貴人賤時、想貴人賤時、願資窮困、及登高峻便忘
情、自有王侯侶、何曾念故人、

纔高一步、輕狂無數、搖頭擺尾堪怜、作態粧腔不顧、
將故人頓疎、將故人頓疎、那些個寬容矩度、只落得
傍人笑惡、這等薄情徒、料想難凝福、空將遠到圓、

得新忘舊、到前丟後、妄想處一味驕矜、滿意時十分
馳驟、循環否泰、循環否泰、你今日也是當年遺漏、我
後日焉知不比、你今時榮茂、好追求、性分難加損、何
須效淺流、

主衰奴橫、人衰鬼弄、林稀鳥去、巢栖、官滿吏疎、承奉
況、冰山仗他、況、冰山仗他、勢難久永、何須賣寵、論窮
通、命各生成、存、誰言才不同、

門無客到、坐多歡笑、一貧一富、何如、不弄不趨、方妙
看誰能久、要看誰能久、要義如金寶、利如蒿草、任道
識破浮雲態、簞瓢且絕交、

才高倖短忘情轉眼尊俎中暗伏干戈唇舌間
渺然褒貶起風波等閒起風波等閒春生笑臉中
懷陰險最堪嫌對面情難測同心話未然

樂時趨首難時避後打外拐反吠神堯趨下流
寧結惡紂慣將恩變仇慣將恩變仇不居差謬
好粧誑誘假風流手段將天拆行藏使鬼愁

前腔四首

閨情

唐伯虎

蓮壺漏啓薰籠香細寒生小閣春殘人在遼陽天際
看鞦韆影度牆看鞦韆影度牆無柰芳心搖曳又早
一番花事到薔薇摘花浸酒春愁重燒竹煎茶夜臥

遲

紅樓凝思綠陰鋪地輕黃落盡蜂鬚淡粉烘乾蝶翅
見雕梁燕兒見雕梁燕兒鬪營新壘困人天氣薄情
的何處章臺路飛花襯馬蹄

芳春將去玉人歸未心隨柳絮飄揚貌與梨花憔悴
嘆幽閨夢迷嘆幽閨夢迷怎識關河迢遞音書難寄
意如痴怪殺雙鷗滿橫塘只在飛

封侯未遇王孫何處綠楊葉底風光紅杏梢頭春意
惜芳菲又歸惜芳菲又歸滔滔逝水我欲留無計漏
遲遲宿鳥驚枝去殘燈落燼時

前腔二首

美人

沈青門

翠紗裁扇，銀蝸新篆，誰教半掩芳容，故把秋波隔斷。
見香唇咲開，見香唇咲開，一似小桃初綻，蕊心紅嵌。
俏嬋娟，莫便頻留顧，令人幽思牽。

玉容梅襯，絳唇桃印，翠粘九暈輕鈿，綠映宮鴉雙髻。
偶回頭咲生，偶回頭笑生，更有百般丰韻，教我意狂。
身禁暗沉吟，他好似一片巫山月，東風雪後雲。

前腔一首

相思

常思常念，夢中相見，只因他可意著人，閃得我不茶
不飯，這病兒好難，這病兒好難，何曾經慣，一時不見。

勝如半年、惹情牽、好對鴛鴦伴、何時共枕眠、

二犯桂枝香四首 四景閨情 秦憲副

韶光似酒、醉花酣柳、無端幾許閑愁、贏得芳容消瘦、
休休雲情雨意、無盡頭、三春有約、君記否、倚闌干、疑
翠眸、鶯兒有偶、燕兒有儔、青鸞孤影、教人可羞、薄倖
今何在、空餘燕子樓

池塘畫永、薰風南送、春纖倦撥冰絃、懶把霜紈搖動、
眉峰堆堆、積積愁萬重、翻思往事、如夢中、好姻緣、難
再逢、竹搖新粉、榴噴火紅、荷香浮動、綠陰正濃、自別
東君後、金尊幾度空、

月懸冰鏡疎星耿耿良宵院落沉沉立盡梧桐清影
傷情西風敗葉和雁聲銀床冷落秋漸深數歸期心
暗驚紅蓮落盡黃花滿庭海棠開後望伊到今恨殺
音書斷秦樓怕有人

鴛鴦霜重翠衾寒擁香肌半貼珊瑚一線紅冰含凍
浮踪飄揚柳絮心性同無些準繩西復東海山盟都
是空窓兒裡月簷兒外風相思滋味這回轉濃正好
朦朧睡寒山寺已鐘

前腔一首

閨怨

舊愁覺可新愁怎妥我和他辨個真心未必他心似

我哥哥當初不合情恁多，一些顧盼忒認過。到如今
可奈何，只落得眉兒上鎖，心兒裡窩。指兒上數口兒
裡哦，這段風流債，今生了得麼。

傷粧臺四首 相思

幽閣百花濃，銀床水簟綉芙蓉。翠翹欹雀雲，撩亂水
晶雙枕墜釵橫。青樓朱箔天涯遠，隔斷巫山幾萬重。
畫廊人靜，難禁午風飛紅冉冉，度簾櫳。
含咲捧歌鐘，步搖金珮響玲瓏。別來蕙帳餘清夜，銀
缸花落幾番紅。身無彩鳳雙飛翼，何處桃源有路通。
綠陰庭院，何時再逢玉笙吹徹，月朦朧。

無睡數流螢，乳鴉啼散玉屏空。舞衫清露涼金縷，層樓十二與誰同。彩毫欲寫離情寄，羞絨鸞牋托雁鴻。更闌香燼，朱戶懶扃，秋聲何處響梧桐。

舊日畫橋東，朱門曾繫玉花驄。醉醒錦袖籠香晚，茗甌翻雪小房櫳。風流回首空陳迹，愁對寒山數點峰。闌干倚遍相思轉，濃梅花枝上雪初融。

羅袍落粧臺四首

閨怨

趙近山

畫樓幾陣東風峭，閑庭一樹海棠嬌。羅衣初試玉肌消，春夢裡多顛倒。天涯人遠，雲山路遙，草生階砌，鶯啼柳梢。畫長人靜，愁多少。珠簾不捲，殘紅亂飄，可憐

寂寞又今宵

涼亭風送荷香細、綠槐韻轉、鳥聲微。去年共賞碧筒
卮。空悔恨輕拋去。齊紈小扇，離懷懶題香脂。金粉心
煩，懶施幾曾經此。愁滋味，池塘蛙鬧，黃梅雨霏。南軒
鎮日盡簾垂。

西風落葉疎林外，淒清聲韻入愁懷。黃花依舊傍籬
開。無意上雲鬟。戴碧天霞斂，晴空雁排。梧彫金井，蛩
鳴玉堦。誰曾解把相思害。眉消遠黛，淚界粉腮。倚樓
遙望，沒書來。

粧臺懶整青鸞暗，鴛幃冷落綉衾寒。小爐獸炭且重

添你斷了金猊篆、妾身吳地郎居玉關、別時客易相
逢最難、愁聞庭樹棲鴉亂、思量千遍、懊恨幾重、更
一點一心酸

醉羅歌八首

閨情

陳秋碧

無形無影書難寄、不活不死病難醫、暮而梨花近寒
食、問陌上人歸未、黛眉羞畫也、只為誰、羅裙寬掩也、
只為誰、鶯花咲殺人憔悴、鶯啼罷、花又飛、安排腸斷
送春歸

冷落冷落鞦韆架、謝却謝却海棠花、遊子經年阻天
涯、久變了、龜兒卦、相如薄倖也不似他、王魁短命也

不似他山盟海誓全不怕臨行話都是假此時驕馬
繫誰家

問神問卜全無應行雲行雨總無憑好夢將成又難
成珊枕冷鴛衾剩風飄黃葉愁人厭聽聲喧鐵馬愁
人厭聽情濃那怕心腸硬星前誓月下盟半真半假
欠分明

怕寒怕冷局朱戶無情無緒對紅爐漏點沉沉響銅
壺好難把長更度月明窗外照人影孤燈花灺上照
人影孤淒涼萬種和誰訴魚難覓雁又無年來音信
轉蕭疎

半薰半爇爐香換，半溫半冷綉衾寬。往事攢來萬千
般。向靜裡閑思算，枕邊私語蒼天。怎瞞星前咒誓神
明。怎瞞他非我是明批判。量不盡，填不滿，相思黑海。
正瀾漫。

半明半慘燈兒焰，半舒半皺翠眉尖。舊恨新愁兩相
兼。天付與，咱獨占。憑魚托雁，霜毫懶拈，描鸞刺鳳，金
針懶拈。調朱弄粉，情都厭。簾初下，門半掩。落花飛絮，
惹憎嫌。

眉兒淡了，誰教問，被兒閑了。自思量，倚遍闌干，望行
雲，金魚有，真實信。口傳言語，也不真。真夢中歡聚也。

不大真多應誤落烟花陣迷歌扇戀舞裙共誰相伴
倒金尊

坐裡臥裡頻頻窺魂裡夢裡苦追尋杜宇無端惱芳
心血泪把花梢沁翠翹金鳳也不待簪穠花艷朵也
不待簪相思更比前春甚回文句疊字錦情多費盡
短長吟

排歌四首

閑怨

喬臥東

野渡扁舟垂楊亂鴉可憐春在天涯看看落盡海棠
花又見鴛鴦睡暖沙腸堪斷病轉加恨人何事苦離
家情無限夢轉賒覺來紅日又西斜

枕列珊瑚，裯鋪簞紋。愁看消盡爐香，
門咫尺，關山勞夢魂。春無剩日，未曛落
花，絮絮正
紛千行。淚萬疊雲，不知何地，再逢君。

鐵馬簷前，終宵驟風難禁。嚮過簾櫳，朱絃聲靜錦屏。
空、淚滴羅襟。恨轉濃，吳山外，楚水東。一番風雨，寂寥
中。書一紙，意萬重。行人臨發，又開封。

鬢落金鈿，寒侵綉幃。江梅已放，南枝天涯海角，有窮
時。此恨綿綿無了期。風塵遠，信息稀。雲橫秦嶺，馬遲
遲。篷窗月，茅店雞。板橋霜跡，路東西。

前腔五首

閨情

沈青門

數盡花開人猶未還羅衣漸覺生寒相思日夜枉熬煎料想歸航隔萬山青燈下皓月前只求頻向夢中圓神迷亂思渺漫誰知偏是夢猶難

日煖樓臺花香綺羅隔簾偷覩嬌娥多情一種是秋波可愛身才軟玉搓臨朱檻立翠莎戲將桃瓣打鸚哥眉輕縱步懶那無端幽思奈春何

綠颺鶯梭紅翻燕塵小樓人倚殘春杏花開後到如今暗覺相思病漸深風前絮水上萍傷情愁賦白頭吟消香暈褪粉痕不禁長日黛眉顰

鳳嘴銜鉤蝦鬚蟬簾金爐篆冷沉烟無窮斜倚綉床

前緣斷紅絲懶再穿心勞攘思掛牽不知人去幾時
還花銷粉柳褪綿杜鵑聲裡又春殘

別酒歌殘離亭影斜不堪回首天涯傷心無語臉烘
霞青泪淋漓透絳紗牽衣袂頻嘆嗟斷腸泪眼霧中
花陽臺遠楚岫賒月明江渚有蘆花

月兒高四首

閨情

烟鎖重楊院日長綉簾捲人靜鶯聲細花落重門掩
薄倖不來羞覩畫梁燕天涯咫尺咫尺情人遠路阻
藍橋無由得見天若是肯周全除非是夢裡相逢記
我離情訴一遍

慢折長亭柳，情濃怕分手。欲上雕鞍去，扯住羅衫袖。
問道歸期端的甚時候，回言未卜。未卜奇和偶，唱徹
陽關重斟別酒。酒除非是解消愁，我只怕酒醉還醒。
愁來又依舊。

園苑飄紅雨，輕風蕩飛絮。有意傷春恨，無計留春住。
倚遍闌干，嘿嘿悄無語。雲山萬疊萬疊空，凝住我的
情人。知他在何處，吁，欲待寄封書，爭奈水遠山遙，沒
個便鴻去。

髻綰香雲擁，釵分小金鳳。為你多嬌態，惹起愁千種。
月冷黃昏，孤燈與誰共。情人悞我，我良宵夢盡角。

頻吹梅花三弄風，休吹入綉幃中。只怕惱動離情，教我相思轉加重。

九迴腸二首 題情

張靈墟

解三醒

一從他春思牽掛，到于今多少嗟呀。秋波綠盡，

橋下鎖春山，又阻巫峽。音書未托魚和雁，凶吉難憑。

鵲與鴉，成話靶。

三學士

當時鏡裡花難比，更那堪塵

掩菱花。佳人已屬沙吒利，義士今無古押衙。

憲三

只索向無人處，把鮫綃看見盟言在，不覺淚如麻。

一從他相逢月下，歡娛事能有幾些。看來眼去情傳話，覺春心一點如麻。恩情只望長廝守，風浪誰知起。

衆花擔驚怕，想前生曾欠鴛鴦債。今世裡合受波查，
倒做了鏡中鸞影。波中月，夢裡幽期風裡花。誰知我
意中愁，心中想，閒中客，獨坐小牕紗。

解三酲四首

寫恨

中分榭主人

恨冤家恁般薄倖，竟全如爐內藏冰，幾回銷却風流
興。說甚麼雨和雲，比不得佳人有意，郎君俏，倒做了
紅粉無情。浪子村，真堪哂，真堪哂，終不然同行阮肇
不比劉晨。

全沒些柔情美話，一味的對鏡咨嗟。誰知變了當初
卦，對面處，隔天涯。真個是落花有意，隨流水，因甚的。

流水無情戀落花、休相訝、休相訝、從來是賤人戀賤。
不愛文華、

數宵來、幾曾同睡、嘆殷勤、枉了蜂媒、將錢買得多憔悴。
慙慙宋玉、對秋悲、却不道、夜深水冷、魚遊去、好咲我。
滿載空、邀明月、歸應須悔、應須悔、從今後、不如斷却。
祇自銜盃、

本是個秦淮古渡、却翻成、織女天河、溝渠明月、心空。
付如此景、媿蹉跎、那些個、酒逢知己、千鍾少、只落得。
話不投機、半句多、誰怜我、誰怜我、平日間、詩情酒量。
此際消磨、

正宮

玉芙蓉四首

四景閨情

李日華

殘紅水上飄，青杏枝頭小。這些時眉兒淡了，誰描。因春帶得愁來到，春去綠何愁未消。人別後，山遙水遙，我為他盼歸期月轉海棠梢。

新荷沼內翻，雨過瓊珠亂。對南薰鶯啼燕語，心煩。蛾眉感損春山淡，瘦減腰肢憶小蠻。人別後，千難萬難，我為他盼歸期倚遍玉闌干。

東籬菊艷開，金井梧桐敗。隔窓聞簫簫夜雨，傷懷薄情羈絆。天涯外，鴻雁來時書未來。人別後，朝清暮病。

我為他數歸期，跌綻鳳頭鞋。
漫空柳絮飛，亂舞蜂蝶翅。隴頭梅又早，開了南枝。
情欲寄皇華使，幾度停針，腸斷時人別。後朝思、
我為他數歸期，搗損指尖兒。

前腔四首 春思

沈青門

簫調學鳳笙，臺臥栖鸞鏡。倚珊瑚剩枕，多少傷情流。
鶯啼斷紅窓靜，翠冷金鸞六曲屏。因春病，春愁未醒，
怎禁他夢魂中，偏送賣花聲。

桃花玉面鵝，柳帶金心鞦。解鸛裘，笑買歌底春風紅。
香酒瀉玻璃甕，舞罷霓裳月未中。人歸去，樓臺幾重。

九
怕寒侵擁嬌娃屏護錦芙蓉

烟籠杜宇魂露養梨花粉夜深沉春路樓臺綢繆銀
缸火燼收紅暈帳底鴛鴦睡正溫應無限情迷意昏
怎禁他戀東風一片軟巫雲

相思病轉添寂寞傷春斷錦絨梭挑就向有誰傳無
情怪殺天遣雁空向南來又北還呀呀的遙投玉闌
他背西風擺成愁字把人看

中呂

駐雲飛六首

閨情

門掩黃昏人比梅花瘦幾分寶鼎香微燼翠幃寒成

半兒誰共捧金尊、暗自消魂、獨擁重衾、把他閑評、論
半兒風流、半兒村、

夢到陽臺、又被鶯聲喚覺來、錦被餘香在、珊枕春猶
解、猜多因戀花街、共誰歡愛、寶髻慵梳、花也無心戴、
一半兒鬢鬆、一半兒歪、

懶上粧樓、恨似春江不斷流、泪濕紅鴛袖、香冷黃金
獸、休終日為他愁、恐成虛謬、等到黃昏、冷落初更後、
一半兒無心、一半兒有、

數盡啼鴉、那裡貪歡不到家、獨立垂楊下、月上葡萄
架、嗟、一時間語言差、變成虛話、啗着名兒、瞋子裡低

低罵一半兒真情一半兒假

命裡合孤等到春來魚雁無燕子樓前過芳州他邊
渡嗟教奴想當初送別南浦知你不來怎放雕鞍路
一半兒傷心一半兒苦

恐怕擔驚辜負嬋娟月下等惹起相思病險害奴性
命嗟結髮這恩情一言已定誰想如今心口不相應
一半兒推辭一半兒肯

前腔四首

相思

楊升菴

暗想嬌容疑是瑤臺月下逢鳳枕鸞衾共蝶粉蜂
重濃何處最情鍾分散西東會少離多天也將八月

水遠山長處處同

暗想嬌情一咲回頭百媚生
兩點秋波淨八字春山
映卿別後冷清清獨守長更
泪雨難晴一枕和愁聽
隔個窓兒滴到明

暗想嬌羞往事牽情不自由
帳薄燈光透寒峭花枝
瘦休一日比三秋人在心頭
兩字相思鎖定雙眉皺
殘夢關心懶下樓

暗想嬌嬌家住成都萬里橋
歸鳳求凰調比玉如花
貌妖無福也難消泪染紅桃
欲寄多情魚雁何時到
若比銀河路更遙

前腔四首

題情

楊升菴

暮雨朝雲終日思君不見君半點心間悶一寸眉峰
恨人寬褪綉羅裙消瘦肌膚怕見傷人問鏡裡朱顏
減二分

惱碎柔腸只為風流窈窕娘兩意相親傷百種嬌態
樣傷纖女共牛郎隔個天河夜夜遙相望點滴難禁
玉漏長

半幅香羅千里慙慙寄素娥情意天來大休看人猜
破哥泪眼費摩挲望斷雲山鴻雁全無個悶坐書齋
恨轉多

俊俏冤家、模樣教人盼望、殺盡枕邊宵話、一刻千金、
價、咱人遠路途、賒有信難通、只落得心牽掛、悔不當
初不遇他、

前腔七首

出家

沈蓮池

恩重山丘、五鼎三牲未足酬、親得離塵垢、子道方完、
就、嗟出世大因由、凡情怎割、孝子慈孫、好向真空究、
因此把五色封章一筆勾、

身似瘡疣、又為兒孫作遠憂、聞說燕山竇、今日還存、
否、嗟畢竟有時休、摠歸無後、誰識當人、萬古常如舊、
因此把桂子蘭孫一筆勾、

鳳友鸞儔恩愛牽纏何日休活鬼喬相守綠盡還分
手蔡為你兩綢繆披枷帶杻覷破冤家自去尋門走
因此把魚水夫妻一筆勾

富比王侯你道歡時我道憂得者多生受失者憂傾
覆蔡淡飯是珍羞衲衣如綉天地吾廬大厦何須構
因此把家舍田園一筆勾

獨占鰲頭漫道男兒得意秋金印空如斗聲勢非常
久咲多少枉馳求童顏白首夢覺黃梁一咲無何有
因此把富貴功名一筆勾

學海長流文陣光芒射斗牛百藝叢中走斗酒詩千

首、綵錦綉滿胸頭、何須誇口、生光眼前、半字不相救、
因此把蓋世文章一筆勾、

夏賞春遊、歌舞叢中樂事、綢心性迷花柳、棋酒娛親
友、綵眼底逞風流、苦歸身後、可惜光陰、懨懨空回首、
因此把風月襟懷一筆勾、

前腔六首 秋江

胡全菴

燕子磯頭恍似當年赤壁遊、葉落山容瘦、風起江聲
吼、秋景色自清幽、月光依舊、欲覓尊鑪、故國空回首、
且對江山豁醉眸、

獨上江樓、要識青蓮卽我儔、劍氣冲牛斗、文思憑尊

酒秋楓葉冷颼颼鴻飛尋偶此際應伶獨在深閨守
莫漫臨風學楚囚

泛泛輕舟何處琵琶似訴愁淚溫青衫神霜點滿卽
看秋水色接天浮微茫楚岫宋玉空悲沈約無端瘦
不若陶潛歸去休

廊廟先憂難比忘機水上鷗試把簫聲奏莫遣砧聲
轉秋高枕聽江流魚龍馳驟覓得支機世有君平否
會看明珠象罔收

送別優游紅葉題詩謾自謳風雨來何驟正是銷魂
候秋紈扇篋中投寄書何有願得扶搖人挹江山秀

遊取嫦娥轉故丘

爲憶杭州湖上笑，巢開正稠。老我漂零久，寄情
灰秋好景且須收。共開笑口，自信江湖滋味都
風月衿懷足浪遊。

前腔四首 秋思

胡金菴

玉露金風一枕淒涼，半夜鍾難就。陽臺夢，徒望秦樓
鳳噪。空壁叫寒蛩，將人斷送。起剪銀缸，試把琴三弄。
只有知音井上桐，那得知心江上逢。

書寄婦鴻楚水吳山幾萬重，已做悲秋宋難效。彈冠
貢，啖白髮滿青銅。可勝帶重風雨瀟瀟，料得情相共。

紅葉無緣得再通。鐵馬無端不住攻。

誰剪丹楓爭與寒鴉舞。碧空鱸興真堪動。菊計無由種。唼湖海嘆飄蓬。琵琶聲送。汨濕青衫。腸斷成何用。依舊萍踪西復東。無柰鄉心散復叢。

聚散匆匆。記得桃花逐水紅。忽又吳霜重。未許紅爐共茶雲樹隔重重。桀樓目縱。便有金尊難繼新豐踵。此際應將客味窮。此際誰知歸興濃。

前腔一首 自嘆

胡全卷

病裏愁中。凜凜何當遇朔風。對雪無花共。止酒憐杯空。噪無褐度窮冬。屋傍冗冗。老景歲華。往事渾如夢。

試看陽春不日逢

南呂

七犯玲瓏四首

四景

祝枝山

香羅帶

新紅上海棠、猛然情慘傷、前春有個人共賞

梧葉兒

今日在何方、早把春心蕩、免教人斷腸、永無

細思量

誰真誰謊、自古佳人薄命、恨燒了斷頭香

皂羅袍

想桃花也會殢劉郎、恨遠山無計、留張敞、花

陰月影、看看過牆朝雲暮雨、睡覺夜長、桂枝香、捱得

今宵過明朝、又怎當、非惡鶯兒對、燕子雙飛來飛去

為誰忙、黃鶯兒、偏不到伊行

芭蕉映粉牆、綠陰清晝長、炎天倍覺心悵快、獨坐倚
南窗、小雨消煩暑、晚風生嫩涼、見池塘、鴛鴦兩兩、世
上有情都配、偏我不成雙、碧紗幮鬆透、玉肌香、珊瑚
鈎、悞觸冰絃響、浮瓜沉李、共誰舉觴、調脂弄粉、為誰
晚粧、懶向金盆浴、盈盈自解裳、腰如柳、體似霜、無人
同試、紫蘭湯、空惹舊心狂、

金風透鎖窓、不禁羅袂涼、秋來怕上危樓望、舉目總
堪傷、衰柳重寒雨、敗荷欹曉霜、咭叮當、簷前馬響、最
苦今宵更漏、一似去年長、覩銀河、織女會牛郎、想嬌
娥一樣情、惆悵從來孤鴈傳、書故鄉、緣何今日、還

半行、想是恩情薄、非干路渺茫、芙蓉老、菊蕊黃、
風雨又重陽、越越減容光、

江梅綻早芳、雪花籠錦堂、孤眠分外寒、威壯怎不細
思量、想起他身上、不知寒與涼、懶梳粧、當時模樣憶
昔千般簇擁、不是負心郎、枕邊廂、開却綉鴛鴦、擁香
衾、撒下紅羅帳、淺斟低唱、當年洞房、山盟海誓、何時
衆床、忽見燈開筵、尤聞鵲遶梁、朝朝拜、夜夜香、伊還
歸也、謝穹蒼、願得永雙雙、

紅衲襖四首

男送別

中分榭主人

我本待時與你做個鸞鳳儔、又豈料你為風波過別

舟恨殺那沙吒利有所謀怎忍得王昭君成遠遊想
昨宵酒量兒賽馬周到今日泪珠兒學楚囚何能負
得押衙也使我團圓過百秋

聽一聲催着去頓生出萬斛愁問一聲幾時歸最苦
是難自由你雖然相約在春時候我只恐到其間又
逗遛莫怪着疾分離不聚頭只怨着晚相逢空握手
兩下裡休負恩情也試看浮萍水上流

為甚麼傾蓋間情便投只因你重文才有兩眸只指
望便從良同作偶誰承望為冤家辭帝州想着你對
雲山思未休撇得我心倚書窓程暗籌可恨辜負春宵

也如醉如痴病怎瘳

最苦是朱淑貞春恨悠最苦是沈休文病腰瘦你若
約愆期是心猿未肯收我若另追歡是盟言不應口
休得要被傷人笑語稠也只要自留神圖長久若還
遇有征鴻也先把音書且寄修

前腔四首

男責女

中分榭主人

為甚麼却相逢半語無也應是日旣遠日漸疎你把
我相思滋味都辜負我把你到底恩情錯認初再休
題男子每薄倖多女娘家水性多今識破縱然另有
個得意人兒也怎便把我相看等路途

我也是風月場一丈夫我怎肯假溫存中你圖你賺
是有新人忘了我只落得弃舊迎新奈咲何我做了
載明月歸棹孤你做了抱琵琶別處過羅羅從今收
拾痴心也把往日盟言一筆塗

只道你歲寒情耐得風與波不道你狠心腸似狼虎
空指望駕鵲橋夜渡河誰承望水渰斷藍橋路
人談笑道誰執柯這羞慙好教我難避躲無魚
垂釣也又恐似今番將盡餅沽

想着你戀新人也未必堅不磨試看你少不得
那時節兩頭失鹿從何逐便悔殺誰甘再陷

逐水的花信是難結果狼子的心終是難收伏不
仰天長笑昂昂也把慧劍揮開心上魔

前腔二首

自漢

全道人

我也是鐵錚錚一丈夫我怎肯沒來由做個酒色徒
我待要把機關都打破我待要把塵氛盡掃無你莫
笑龍游涸沼多艱苦你莫笑鳳侶鴟梟少助扶終有
日苦盡甘來也試看收成勝厥初

你休得逞炎涼在喪途你休得翻雲雨故賤吾我也
曾輕財重義把綱常補我也曾仗勇驅奸把世道扶
我不是流連一去無回顧我是個砥柱中流有琢磨

看從來海水難量也、任你紛紛白眼多、

懶畫眉四首

傷情

沈青門

東風吹粉釀梨花、幾日相思悶轉加、偶聞人語隔窓紗、
不覺猛地渾身乍、却原來是架上鸚哥不是他、
危樓日暮彩雲生、十二闌干獨自凭、嘹嘹何處雁啼聲、
暮然感起我扁舟興、不覺得心到江南杜若汀、
胭脂落盡玉瓶花、不覺晚日低窓炙翠紗、房櫳偷啓
靜無譁、只見他春風滿臉臉推托、教我半晌難禁兩
臂麻、

錦亭中驚觀玉飛仙、粉臉堆春髻影偏、嬌歌一曲韻清

國好似風搓不斷驪珠串，暗覺得羞却啼鶯，
柳間

前腔八首

男遣問

收春主人

娘行何事薄情多，只得含羞柰爾何，點埃填井枉奔
波，早知今日先支我悔殺當初不閃他。

只因錯認渡銀河，誰料中途風與波，將人情義摠相
辜，一時懵懂把聰明誤，弃李尋桃惹笑多。

巧言真是弄簧校，又抱琵琶別處過，空教事業被蹉
跎，浮雲變態能來破，怎得飛飛入網羅。

不須題起那妖魔，只落得青衫泪染多，一場春夢入
南柯，蕭條此際誰怜我，義士難逢古押衙。

勸君何苦廢工夫，此處無魚另有河。看他不久又風波，那時切莫重回顧。豈是無端小丈夫，沙君有力奪嬌娥。韓子無聊擊筑歌，一番懊恨怎消磨。心頭不覺炎如火，直欲披雲訴大羅。無情笑語隔天河，贏得清閒自在多。孰為親愛孰為疎，到頭終是難成果。那保亨衢無坎坷，追思風月是吾徒。不合相酬恁樣疎，仰天長笑有始無從今。斷却冤家路，譬似當年未見呵。

一江風三首 三元

解元郎，六翮連雲長。三試羅賢網，棘圍開才湧。湘流

葩藻呈天象，九秋丹桂芳。九秋丹桂芳，風飄兩袖香。
宴鹿鳴，豪氣三千丈。

會元郎，三汲桃花浪。一震雷聲響，禮闈開鳳翥鸞翔。
際會風雲壯，瞻依日月光。瞻依日月光，披拂御爐香。
名和姓喜見魁春榜。

狀元郎，獨對丹墀上。首聽傳臚唱，杏園題看遍長安。
轉過平康巷，宮花耀日光。宮花耀日光，綠袍稱體長。
醉瓊林，從此輸忠讜。

前腔一首 男相思

中分樹主人

別離多人，向忙中過悶。豈尊前破鎮朝昏，無緒無聊。

誰與同歡臥見月憶嫦娥見月憶嫦娥盈盈泪似投
不知他可也曾思我

前腔一首 燒香疤

中分榭主人

鳳驚交兩下情相好無異珍和寶對靈神海誓山盟
願得同諧老香疤臂上燒香疤臂上燒休將恩義拋
虧心的自有天知道

楚江情四首 四景

東風綻海棠三春艷陽嬌紅嫩綠百媚粧珠樓寶殿
奏笙簧也金尊瓊釀銀壺玉漿花前笑語成醉狂花
底歡娛須把情懷放悠悠唱慢腔悠悠唱慢腔纖纖

斜月朗賞玩在花亭上。

雕闌簾蔔香樓臺畫長披襟送暑風漸涼坐來新月
掛垂楊也淺斟低唱簫吹鳳凰紗厨夢醒頤玉觴翠
袖殷勤滿奉葡萄釀榴花綻錦囊榴花綻錦囊荷花
弄晚粧賞玩在池亭上。

金風送晚涼梧桐葉黃呀呀寒雁三兩行菊花綻蕊
吐芬芳也草蟲悽愴流螢耀光冷冷清清露兒將降霜
明朗朗中秋月似銀盤橫筵前泛玉觴筵前泛玉觴
花前舞翠裳賞玩在南樓上。

梅花滿樹芳飄來暗香長空瑞雪風力揚漁翁罷釣

在寒江也、溪橋銀澗、山林粉粧、華筵綺席、開畫堂、檀板輕敲、白雪雙歌唱、龍團茶味長、龍團茶味長、羊羔酒興狂、賓玩在銷金帳、

黃鍾

水仙子一首

歸樂原作風入松慢

歸來重整舊生涯、草菴兒不用高和大、會清標不在
奢華、帟糊窓、白木榻、掛一軸單條畫、供一枝得意花、
自燒香、重子煎茶、

新刻羣音類選清腔卷七

新刻羣音類選清腔卷八

虎林 胡氏 文會堂 校選

越調

浪淘沙六首

道情

綠竹間青松翠影重重仙家樓閣白雲中隔岸紅塵
飛不到水浸寒空

此景與誰同口口仙翁素琴彈罷倒金鍾笑傲煙霞
無一事明月清風

一箇主人翁住在靈宮無形無影亦無踪鐵眼銅睛
觀不見體似虛空

出入不通風、天地難籠被、吾擒在藥爐中、運起周天
三昧火、煅鍊真空、

我有屋三間、住在深山、四無牆壁堵遮欄、萬象森羅
為斗拱、瓦是青天、

不漏數千年、也是前緣、一朝功行滿三千、降得活龍
伏得虎、方表神仙、

前腔十二首 道情

胡全菴

因病攪年華、願學仙家、從今戒却酒和花、遇着人來
無禮度、髻挽雙丫、

拂子手中拿、世事由他、閒來唱箇浪淘沙、識破從前

無遠見萬事都差

談笑作生涯趣味偏賒披條鶴氅飽胡麻誰是榮來
誰是賤總是虛花

靜裡傲烟霞心更無邪客來唯有一盃茶紫陌紅塵
都是夢溺者堪嗟

飲食莫增加氣要清些園中學種邵平瓜開得花來
結得子老大堪誇

寵辱不須嗟光景如車莫將性命等蒹葭須要脫離
生死道快活無涯

終日苦巴巴我也怜他分明是個井中蛙何日肯隨

人指點養就靈砂

月裡捉蝦蟆枉自磨牙不如且自泛仙槎落得飄飄無罣礙看處為家

正是一奇葩莫誤韶華工夫當自早圖些誰道春天常朗霽也有雲遮

名利最堪誇誰不波查何如友鹿侶魚蝦明月清風

供我用腹長嬰孩

音娃

睡起讀南華鶴遶窓紗又聞龍女撥琵琶為問蓬萊差幾許咫尺無差

甲子自難查春識桃花夏來蓮萼色偏嘉秋到籬邊

黃菊綻冬有山茶

商調

金絡索四首

閨情
前二首離後二首合

祝枝山

羞看鏡裡花憔悴難禁架擔閨眉兒淡了教誰畫最
苦魂夢飛遶天涯誰信流年髻有華紅顏自古多薄
命莫怨春風當自嗟無人處盈盈珠泪偷彈洒琵琶
恨那時錯認冤家說盡了知心話

一杯別酒闌三唱陽關罷萬里雲山兩下相牽掛念
奴半點情與伊家分付些兒莫記差不如收拾閒風
月再休戀朱雀橋邊野草花無人把萋萋芳草隨君

到天涯、準備着夜雨梧桐、和泪點長飄洒、

銀燈夜吐花、綉幙蛛絲掛、小玉傳言、端的他歸也、笑

吟吟一處來、飲流霞、女子生而願有家、論羞花容貌

他憐我、算賽玉風流、我愛他、無人比、文鸞綵鳳雙雙

美無加、不由人痛惜、輕憐鎖不住心猿馬、

今宵喜會他、一刻千金價、倒鳳顛鸞、巧手難描畫、說

不盡萬種羞、俏冤家、雨帶雲尤蝶、戀花金蓮不穩凌

波襪、髻散梳鬆、墜象牙、無人見、衾橫枕亂、放情恣交

加、自從今、雙宿雙飛、管偕老無休罷、

前腔四首 四景闋情

祝枝山

東風轉歲華。院院燒燈罷。陌上清明細雨紛紛下。天涯蕩子心。盡思家。只見人歸不見他。合懽未久難拋捨。追悔從前一念差。傷情處。慙慙獨坐小窗紗。只見片片桃花陣陣楊花飛過鞦韆架。

楊花亂滾綿蕉葉初成扇。翠蓋紅衣出水新蓮現金爐。一縷微薰沉烟睡起紗厨雲髻偏。無端好夢誰驚覺。風外鶯聲柳外蟬。羞臨鏡。千愁萬恨對誰言。只見舊恨眉間新泪腮邊界破殘粧面。

閑堦細雨收翠幙新涼透。衰柳殘荷正值愁時候。近來都減却舊風流。爭奈新愁接舊愁。白雲望斷天涯

遠人在天涯無盡頭相思病無明徹夜幾時休只見
雁過南樓人倚西樓人比黃花瘦

銀臺絳蠟籠翠幄金鈎控錦帳紅爐獨自無人共月
明初轉過小房攏不放清光照病容愁聽畫角聲三
弄吹落梅花一夜風關山夢魚沉雁杳信難通孤眠
人最怕隆冬又值嚴冬做不就鴛鴦夢

前腔四首 四景閨情

東風妒物華白糝紅飛下蝶抱花鬚不放香飄謝恨
才郎薄性兒不思家一似風颭遊絲難按掌愁來添
上愁兼病半是傷春半恨他從別後容光減却臉邊

霞一任風捲楊花，雨打梨花，狼籍了荼蘼架。

薰風弄帳紗，展簾槐陰下，紈扇停搖，水閣涼瀟瀟。見池塘水淺深，翠屏遮幾柄，紅蓮又吐葩。看雙飛雙倚鴛鴦鳥，我隻影孤形，怎及他。從別後，碧筒誰共吸流霞。辜負了映日榴花，向日葵花，空對著人孤寡。

西風送落霞，黃葉瀟瀟下，露冷芙蓉憔悴，難禁架。怪絲絲雨又來，洒窓紗，撩亂柔情似落麻。朝來獨自開香篋，寒到奴身，憂念他。從別後，鳳釵落盡髻雲霞。我為他瘦似黃花，羞對菱花，眉淡了無心畫。

朔風寒倍加，十二簾垂下，暗擲金錢，更卜箇龜兒卦。

相思與夢魂，遶天涯。路阻藍關，未到家。危樓獨上，凭
闌久，只見密布彤雲，不見他。從別後，窓前幾見放山
茶。不覺梅又開，花雪又飛花。越越的添幽雅。

集賢賓四首 題情

唐伯虎

紅樓盡閣天縹緲，玉人乘月吹簫。一曲梁州聲裊裊，
到此際，離愁多少。青鸞信杳，魂夢斷十洲三島。春色
老，看滿地桐花風掃。

春深小院飛細雨，杏花消息何如。報道東君連夜去，
須索要圈留他住。金杯滿舉，怎不念紅顏春樹。君看
取，青塚上牛羊無主。

閒庭細草天色暝蕭蕭風雨清明萬斛春愁兼酒病
偏不肯容人甦醒殘花弄影明日是滿枝青杏金釧
冷羅袖上汨沾紅粉

窓前好花香旖旎藕花深處亭池碧玉闌干誰共倚
歎瞬息年華如水光陰樵指又早是破瓜年紀鸞鏡
裡細看來十分憔悴

黃鶯兒十首

閨怨

羅袖怯春寒對飛花泪眼漫無心拈弄閒簫管塵迷
鏡鸞愁埋枕山靡蕪草綠王孫遠倚闌干丁寧魚雁
風水路途難

寒食杏花天、鳥啼忙、人晏眠。一簾飛絮、和愁捲、芳菲可憐。相思苦、纏等閒、鬆了黃金釧。悶懨懨、朝雲暮雨、魂夢繞巫山。

風雨送春歸。杜鵑愁、花亂飛。青苔滿院、朱門閉、燈昏翠幃。愁攢黛眉、蕭蕭孤影、汪汪泪。惜芳菲、春愁幾許、綠草遍天涯。

孤影伴殘燈、悄無言、珠泪零。濃霜打瓦、鴛鴦冷、淒涼五更。綢繆四星、愁腸早已、安排定。恨才人、長門賦裡、說不盡衷情。

秋水蘸芙蓉、鴈初飛、山萬重。行人道路、佳人夢、朝霜

漸濃寒衣細縫，剪刀牙尺聲相送。韻叮咚，誰家砧杵，
敲向月明中。

蝴蝶杏園春，惜芳菲、紅袖人東風。久說愁經病，羅衣
嬾薰。檀眉謾顰，煙波魚鳥無音信。夜黃昏，空庭細雨，
燈影照孤身。

殘月照粧樓，靜閣閣、燕子愁滿庭芳草。黃昏後，王孫
浪遊，光陰水流。梨花冷淡和人瘦，夢悠悠。銅壺滴漏，
孤枕四更頭。

細雨濕薔薇，畫梁間、燕子啼春愁。似海深無底，天涯
馬蹄。燈前翠眉，馬前芳草。燈前泪，夢魂飛，雲山萬里。

不辯路東西

燈火夜闌珊，綉簾風花影寒。不除釵釧眠孤館，心兒裡漸酸。口兒裡漸乾。此時愁比天長短，夢巫山雲收雨散，神女怨青鸞。

日轉杏花梢，送春歸，把酒澆行人。不念佳人老，青帘小橋黃鶯滿。聽天涯何處無芳草，路迢迢，離愁幾許，瘦損小蠻腰。

前腔四首

雨中遣懷

楊升菴

積雨釀輕寒，看繁花樹樹殘。紅塵滿眼登臨倦，雲山幾盤江流幾灣。天涯極目空腸斷，寄書難，無情征雁。

不到滇南

土弁州以此首為升菴夫人所作蓋奇升菴者觀其詞意近乎似也

夜雨滴空階，傷愁人枕畔來。鄉心一片無聊賴，泪眸懶揩。狂歌懶裁，沈郎多病，寬腰帶。望琴臺迢迢天外，懷抱幾時開。

霽雨帶殘虹，映斜陽一抹紅。樓頭畫角初三弄，東林晚鐘。南天晚鴻，黃昏新月，弦初控。望長空披襟誰共，萬里楚臺風。

細雨濕流光，愛青苔綉粉牆。鴛鴦浦外清波漲，新篁送涼。幽芳弄香，雲廊水榭，堪遊賞。倒金觴形骸放浪，到處是家鄉。

前腔四首 道情

楊升菴

早早脫樊籠、住蓬萊、東復東、紫芝白石皆清供、金門九重、太倉萬鍾、回頭看破黃梁夢、脫樊籠、洞天春永、歲歲有花紅、

早早破塵迷、住蓬萊、西復西、五禽三鳥同遊戲、登天險梯、乘流惡溪、寬閑儘有壺中地、破塵迷、洞天春霽、歲歲有鶯啼、

早早謝朝簪、住蓬萊、南復南、玄猿白鶴休驚怨、芝泥石涵、丹光蔚藍、三花樹下長相伴、謝朝簪、洞天春暖、醉臥九霞嵐、

早早換凡胎、住蓬萊、北復北、羣仙別後、長相待、蟠桃
又栽、琪花又開、都來笑我朱顏改、換凡胎、洞天春在、
重會上瑤臺、

前腔四首 旅店雨懷

夜雨滴空堦、聽聲聲、到客懷、夢回孤枕、愁無柰、風寒
怎捱、離情怎擺、想家鄉、遠隔在雲山外、悶難排、更長
漏水、無復到陽臺、

風雨阻歸舟、柰舟中、有客愁、無端風雨、聲狂驟、聽風
聲在樹頭、送雨聲到枕頭、把一場愁、悶都驚覺、悶無
聊、番來覆去、厭聽雨瀟瀟、

厭聽雨瀟瀟。雨纔收。雪又飄。把江山頃刻，聊遮罩。望
前程路遙。盼家鄉遠拋。幾多離思縈懷抱。悶無聊。見
舟人報道。壓壞了舊蓬茅。

壓壞了舊蓬茅。聽舟人胡嚷鬧。怨天公做作真難料。
風兒又亂撓。雪兒又亂飄。奈風寒雪冷船難棹。好似
曉似撒鹽舞絮。遍地洒瓊瑤。

前腔六首

閨思

沈青門

鶯懶罷調簧。柳成陰。日漸長。春歸有個人。惆悵詩閒。
錦囊針。停綉床。相思暗把。釀愁釀最。心傷隨風數點。
紅雨靜敲窓。

飛漾紫珊瑚、綉幃攢金鷄、玉籠鸚鵡嬌聲度、茶縻
綺疏、翟榆綉鋪、銀盆水浴、薔薇露、曉粧初、輕鬟咲臉
生就美人圖、

紅雨送前春、冷淒淒、別院深、落花滿地、青錢印、愁重
幾句、心牽那人、粉容憔悴、銷丹暈、最傷神、無情杜宇、
啼遍野棠陰、

春事又闌珊、峭東風、苦弄寒、粉烟亂撲、荼蘼院、蜂兒
陣攢、蝶兒對翻、鶯兒只管、枝頭轉、好心酸、相思瘦減、
獨自倚闌干、

玉鴨寶香噴、荔枝漿、翠碗溫、春酣綉閣、人初困、紗窓

影陰、蘭膏焰新、犀紅枕冷、誰揪問、恨難禁、東風不管、
吹碎海棠心、

金井露生涼、染梧桐、葉半黃、傷情羞覩、芙蓉放、不殘
麝香、樓空盡梁、愁來暗覺、如天樣、細思量、天猶較短、
酒比這愁長、

前腔四首 風花雪月

胡金菴

聲勢遍天涯、冷颼颼、度碧紗、歐陽夜讀、驚簷馬、消停
遠槎、消磨好花、冷然御去、疑仙化、慣飛砂、校頭少女、
何處去尋他、

日涉趣如何、襲香風、闌綺羅、春心一點、狂蜂破洛陽、

品多河陽興多醉來常倚闌干臥稱陽和解將人咲
燒燭再高歌

一夜朔風愁看青山盡白頭瓊瑤世界誰粧就剡溪
泛舟寒江釣鉤梅花尋得偏空酒最清幽杜門高臥
懶向灞橋遊

涼夜把窓開被嫦娥闖進來舉盃邀飲真堪愛我借
你懷你惜我才天香插處多豪邁洗塵埃長生有藥
同與上瑤臺

前腔四首

芭蕉夜雨

胡全菴

葉上幾聲敲過黃昏倍寂寥陽臺路遠人難到銀燈

慢挑名香慢燒、隔窓流淚、天知道、好心焦、孤衾轉展、對鏡怯來朝、

敗葉戰秋霖、客鄉愁、故國心、可憐滴破無人問、青鸞信、況青衫、淚零、一時事、憶當年、盡瘦伶仃、重陽將到、何處可登臨、

一點一聲愁、自空階、到枕頭、寒蛩助嘆吟、還闌同心、怎求焦、心懶抽、風流落了他人後、慣悲秋、家鄉何處、明日欲登樓、

風急、淚痕多、似聲聲、打敗荷、窓前好個恹惶我、雲遮素娥、波翻絳河、一宵不寐、真無那、慢消磨、樓頭鼓鼙

知是幾更過

山坡羊一首

憶美

胡德父

夜迢迢月明人靜、冷颼颼枕閒衾剩、夢悠悠陽臺路
迷病懨懨逆旅誰相問、事不成飄飄度此生、無端許
我許我諧秦晉、悶得今朝番成畫餅、傷情半思卿半
恨卿、吞聲過三更捱四更、

前腔一首

寫恨

全道人

悶得我不甞不甞、悶得我無聊無賴、悶得我夢遶陽
臺、悶得我魂飛在天外、你怎該前言一旦、灰轉轉思
量、般般堪怪、哀哉把鴛鴦竟打開、哀哉把連枝生拆

開

山坡裡羊四首

題情

新酒殘花爭鬪寒食清明時候羅衣冷落冷腰肢
瘦個樣愁何時有盡頭剛能遣撥遣撥還依舊芳草
天涯人在否綢繆胭脂憶舊遊揚州琵琶水上樓
燕子粧樓春曉目斷三孫芳草烟波曠蕩曠蕩鱗鴻
杳翠黛凋愁眉怎樣描東風賺得鶯花老紅燭金釵
且謾敲香消香消一捻腰迢迢迢迢萬里橋
嫩綠芭蕉庭院新綉鴛鴦羅扇天時乍暖乍暖渾身
倦整步蓮鞦韆畫架前幾回欲上羞人見走入

紗厨枕泪眠、芳年、芳年正可憐、其間其間不敢言、
明月梧桐金井、遊子風塵萍梗、紅羅斗帳斗帳新霜、
冷掩翠屏、斜身背著燈、燈前壁上形伶影、教我如何
捱到明、愁聽愁聽雁報更、低聲、低聲數薄情、

大石調

權拍四首

落第

胡德父

對秋風、鍛羽難飛、做春夢、點頭怎期、時不利兮、時不
利兮、三戰徒勞、半世羈遲、一事無成、兩髻如絲、何日
裡、挂折高枝、門第顯姓名馳、

嘆囊裡黃金已微、看床頭寶劍失輝、季子空歸、季子

空啼人世炎涼足跡依稀刺股須勤射策堪支終有
日身上雲梯榮畫錦吐虹霓

問嫦娥情須緊施料孫陽目能識之風雲有時風雲
有時調鼎為霖補袞格非富貴難淫貧賤難移大丈夫
志氣如斯君莫笑我狂為

想他每鹿鳴咏詩也都是當年見遺努力休違努力
休違否泰循環可卜其機一任仇讐陷穽相欺仰天
笑懷抱怡怡頻命酒更論題

雙調

朝元歌四首

前二首思情
後二首會合

殘春晚春、桃杏飄紅粉、思君想君、常閉香閨寢、喜鵲
無憑、燈花不準、瘦損羅衣寬褪、怕到黃昏、衾寒枕冷
誰與溫、別後杳無音、時時牽掛心、迴文織錦、對誰訴
滿懷愁悶、滿懷愁悶

因郎為郎、憔悴瘦了、嬌模樣、思郎想郎、引得奴心飄蕩、
冷落難當、恨如天樣、寂寞人兒偏嫌更漏長、他本是
鐵心腸、我錯認、做可意郎、山盟盡忘、再來時、怎生輕
放、怎生輕放、

因誰為誰、昨夜在誰家睡、瞞誰哄誰、你會誰、不會為
你通宵不寐、我受盡人虧、你何嘗又逞風流、別畫眉、問你

如何准醉我已自明知你還來辨是非床前且跪打
破你渾迷啞謎渾迷啞謎

初交乍交我愛你情意好長交久交只怕你心變了
前世姻緣今生湊巧咱兩個同歡同笑似漆如膠把
誓盟先設了你負心天喪早我忘恩奴壽夭各人記
着這誓盟有日相報有日相報

玉胞肚十二首

閨情

君心忒忍戀新人渾忘舊人想舊人昔日曾新料新
人未必常新請看金屋貯娉婷寂寞長門結網塵
躊躕悶想韻叮咚砧聲過牆把玉釵敲落燈花怎支

吾此夜淒涼、一聲寒雁過瀟湘、月在南軒漏正長、
羅衣寬褪、半漬却啼紅、泪痕弄餘寒、細雨如絲、冷清
清、沒個溫存、春來何處最消魂、花落黃昏空掩門、
沒情沒緒、這悶懷終無了期、想從前萬種恩情、怎捨
得一時拋棄、教人徹夜費相思、夢見雖多相見稀、
薄情心變、頓忘了香囊翠鈿、只為他假話虛言、哄得
我意惹情牽、朝思暮想病恹恹、瘦損花容不似前、
銀河瀉影、度涼颼、花香細生、捱人間不盡離愁、猛擡
頭、又見雙星、月寒雲淡夜無聲、銀燭秋光冷畫屏、
危樓獨倚、恨茫茫、天空鳥飛、看落花片片、辭條怎比

我萬千紅泪、玉關此去信音稀、一日思君十二時、
陌頭楊柳、猛撩人心中暗愁、沒來由、寡鵲孤鸞、悔教
他拜將封侯、春雲斷處是涼州、盡日凝粧上翠樓、
綠窓低亞、看遊蜂爭喧、晚衙鎮朝昏、悞粉拋朱、平白
地、斷送年華、不知春色在誰家、昨日街頭賣杏花、
湘簾高掛、夢初回、紅日又斜、隔牆頭、簷送鶯聲、問韶
光可似天涯、春風吹遍故園花、臨到開時不在家、
黃昏將傍、對孤燈、心中慘傷、向青鸞、把雲髻重粧、粉
牆東、月兒初上、偷開金鎖、出西廂、拜月亭前、燒夜香、
夜香燒罷、倩紅娘扶歸綉房、步蒼苔、轉過迴廊、忽聽

得冰絃嘹亮、琴聲哀苦。一似鳳求凰、莫不是、那日相逢俊俏郎。

前腔四首 題柳

安排青眼乍窺人、渾如去年、把斷腸春色、携來染東風。綠遍江南、晚粧樓上、杏花殘、而葉烟條、不耐看。
春雲遮映、管別離、年年灞陵、使潘郎綠鬢、成絲、轉頭來、又是清明、夕陽江上、喚愁生、遠寺紅橋、酒幔青。
愁心遙送、隔芳洲、青青幾重、想當年、十五橋邊、鎖高樓、惱亂春風、荒苔曾是、舊離宮、紅白花開、烟雨中。
鶯啼時候、最堪憐、天晴雨收、舞長條、何處牽情、映歡

韃馬上墻頭，吳王臺下百花洲。一簇寒烟鎖翠樓。

前腔二首

前一首美人後一首秋思

沈青門

綠雲堆髻，臉生霞脂香淡勻。貼宮梅粉點初乾，染春山翠烟猶嫩。臨風歡笑不勝春，疑是梨花月下魂。寒庭秋老，粉香愁芙蓉半凋。競西風脆翦霜紅墮。瑤堦不翻殘照，題詩欲寄楚天遙。泪血空沾白玉毫。

清江引八首

閨事

王西樓

玉釵冷來雲慢挑，按上昭君帽。窓前雪意濃，簾外風寒峭。嫩花頭要將春護了。
右暖帽

蒙茸紫貂籠瑞雪，暗把春光借。一團白玉溫，兩朵桃

花熱透靈犀險些兒輕漏泄

右寒來

輕衫短裁防過暑堪可包香玉鞦韆打罷時歌舞收
迴處濕浸浸似沾花上雨

右汗衫

淩波襪兒真個罕不肯教人看霜籠玉笋尖水浸金
蓮瓣隔紗裙幾迴偷抹眼

右暑襪

溫泉起來權護體帶濕雲拖地翻嫌月色明偷向花
陰立俏東風有心輕揭起

右浴裙

猩紅軟鞋三寸整不着地偏乾淨燈前換晚熱被底
勾春興醉人兒幾迴輕撥醒

右睡鞋

玲瓏結成雙翠顰兒的弓鞋情苔沾翡翠根露滾珍

珠面下瑤臺不愁春醉軟

右棕履

銀絲細盤雙鳳腦緊束凌波鞵青蓮兩瓣開玉笋雙
尖騎踏青去來天氣早

右蒲靴

前腔四首

耕牧漁樵

王西樓

桃花水來如噴雪開動村田舍犁翻隴上雲牛飲溪
頭月這其間祇堪圖畫也

東風掃開郊外雪草色連村舍鞭敲柳岸風笛弄桃
林月這其間祇堪圖畫也

江湖老來頭似雪釣艇為家舍武陵溪上雲西塞山
前月這其間祇堪圖畫也

腰間銚磨光爛雪、山下白雲含、滿身紅葉、一
松月、這其間、祇堪圖畫也。

前腔十二首

警悟

胡金菴

鍾送黃昏、雞報曉、世事何時了、春來艸再生、萬古
空老、好咲他忙處多閑處少。

春花秋月何時了、往事知多少、東風依舊來、只是容
顏老、試看他有幾人愁盡掃。

茫然世事如春夢、計較成何用、陰晴未可知、歡笑還
堪共、莫被他利和名空斷送。

人生南北如岐路、世事同飛絮、覆去又翻來、造化難

憑據想着他楚漢爭今何處

古來世事皆前定強弱都休論機關打破他風月堪
供興誰似我未老時閑相趁

天涯海角若休閒捷足空教進閑來退步時自是生
餘慶幸得我免了些災和釁

蠅頭蝸角虛名利總被天公戲算來着甚忙不若潭
教醉一任我逞疎狂過百歲

嗟來吐去真堪怪識却前番債從今尚可追一洗塵
囂態輸與我每日間無罣礙

道人未老心先懶脩竹栽教滿客來隨分留醉了先

合眼身外呵不關心天自管

誰是高來誰是下命到都須罷商周亦久常秦漢何
強大豈料呵到如今成笑話

古今得失榮兼辱待足何時足誰貪萬里侯不愛千
鍾粟最喜呵醞的酒今朝熟

我即他來他即我忘却何不可盡情局內甚光景石
中火大家呵警悟些休瑣瑣

兩頭蠻四首 四景園志

堪憐甚愛倚定着門兒手托箇腮盼多才那亨囉弗
見了管來好傷懷只見萬紫千紅明媚色桃花已更